

洞玄靈寶五感文

陸脩靜集

此五感之文 乃是道士修六齋之法 皆出三洞大經 尊貴妙重
 不可穢慢 若看之者 皆洗手 著淨巾上 蓄之者 必著器中
 不得輕慢 輕慢者 必被天殃
 至道清虛 法典簡素 恬寂無為 此其本也 而世物浮偽 鮮
 能體行 競高流淫 信用妖妄 倚附邪魅 假託真正 君子小人
 相與逐往 昏迷長寢 曾莫甄悟 致上危神器 下傾百姓 滅身破
 國 猶不以戒 至乃濁亂正炁 點染清真 毀辱大道 可為痛酷
 余生值末世 教法綱頽 人皆趣彼 而我竊守此 法甚日損 歸根
 食母 卷志謝芳潔之聲 開懷受塵垢之污 乞免分競之斧斤 請保
 無用以自足 既閑且宴 逍遙永日 研經航理 時修功德 以癸巳
 年冬擔率門人建三元塗炭齋 科禁既重 積旬累月 負戴霜露 足
 冰首泥 時值陰雨 衣裳霑濡 勁風振厲 嚴寒切肌 忍苦從法
 不敢虧替 素各羸玲 慮有息懈 乃說五感 以相勸慰 并統序眾
 齋 標題門戶 均塗異轍 粗為詳辯 豈日矜誇 數十同志 信好

洞玄靈寶五感文

清微藏書閣

之士 幸鑒之哉

若塗炭齋者 無五感之心 不得勸吾之意

一則 費香徒勞 二則 成於虛誑 三則 輕慢法禁

四則 毀辱師教 五則 更招罪罰

一感父母生我育我 鞠我養我 出懷入抱 嘯含摩牧 勞心損

體 辛苦憂勤 我或不夷 時有疾病 則愁我念我 心如炙焚 夙

夜怵惕 忘金失眠 增感憔悴 泣涕漣漣 願成願長 我得如今

念此重恩 不可稱量 誓心上答 昊天罔極

二感父母為我冠帶婚娶 積蓄貲財 造買基業 苟欲我多 不

覺貪濫 與物求競 動生怨怪 致有愆尤 或至無狀 觸性天地

傷害人物 或外犯王法 內犯冥科 或刑罰所加 及於性命 緣起

有我 以招斯患 今落三塗 嬰罹眾難 循於劍樹 墮於刀山 履

於炎火鑊湯之熱 沒於幽夜冰凍之寒 或懸在笞神搗杖之下 千痛

萬楚 不可堪當 悲惱憂厄 時刻難忍 希望免脫 無由自濟 念

此崩哽 肝心潰亂 五體戰懷 形魂失措 不覺投地 塗炭乞哀

三感普天之下貴賤男女 皆受人身 身口之累 有生所重 食

則五味 衣則五綵 既飽既暖 不復自裁 服玩奢豪 恣情快意
追逐營求 無有厭足 傷神害身 永不自覺 氣命既凋 形體朽爛
平生觸物 竟復何用 孤魂獨逝 遍受諸苦 誠此冥昧 非世所
了 而餘財四散 方為後患 生奸起盜 子孫所爭 強者克多 弱
者獲少 與奪失得 更相忿恨 或告訟官司 又被裁戮 或稱訴
神鬼 陰受凶禍 骨肉之親 共構架偉 天屬之重 棄若遺土 孔
懷之愛 自競錐刀 身滅家殘 釁由貪奢 悠悠一切 相與淪沒
未曾有悟 悟不能捨 過去皆爾 來者復然 遂用為常 甘心無恨
我識此非 故背當世 委離六親 遺榮遺累 尋道求生 積學自
濟 能及有益 先報我親 平素之日 鞠育之恩 今獲神丹 以濟沉溺
登此法橋 度彼絕岸 悲喜踴躍 五情飛越 心馳神往 忽忘四
體 不覺捨我 歸命三寶 罄竭資財 奉充法用 唯懼弗及 更無
遺怯 願我父母 上昇福堂 長免八難 無復憂惱 庶此微誠 以備
供養

四感太上眾尊大聖真人 開此大化 出斯妙法 拯拔三塗 接
濟五道 億曾萬祖 積劫殃對 一日一釋然 幽魂苦爽 超昇福堂

洞玄靈寶五感文

清微藏書閣

因緣種族 咸受慶惠 我身得道 後世蒙福 此恩希有 萬劫一
出 既得遭遇 竭命奉行 傾心盡節 故無懈怠
五感我獲此福 事有所由 因緣開度 使我見者 我師之恩
仰戴罔極 有過天地 故行道之日 每至懇禱 冀有微功 上酬仁
德 身困體疲 不敢有辭
我得此法 懼喜無量 有若貪夫 遇金玉藏 眾人不知 唯我獨
見 伏身潛嘿 肆力採掘 積日累月 無有厭極 唯恐寶盡 不以
為勞 負霜戴雪 涉水踐冰 凍身切骨 不覺為寒 崎嶇險鐵 不
以為難 心怡情悅 故無所惑

眾齋法

道以齋戒為立德之根本 尋真之門戶 學道求神仙之人 祈福
希慶祚之家 萬不由之 既子識有明闇 則入悟有利鈍 資力有優
劣 則所任有多少 是以聖人階其精麤 分析轍轍 大體九等 齋
各有法 凡十二法

一曰洞真上清之齋 有二法
其一法 絕草離偶 捨朋友之交 無妻奴之黑 孤相獨宴 泊

然窮寂 形影相對 無為為業端推好然 無所一為 胎息後視心
所神機 寂胃 胃以受食為有事 既虛息不食 則泊然寂定也 虛
申 請齋以耳為期 至申而食 今既不食 徒有此中虛過而已 眠
神 神司外 務躁動 今既無事 怡靜內藏 故謂之眠 靜炁 炁
者 體之化 神之舜 神動則炁奔 今神遂內 後則炁靜體寧神
遺形忘體 形以有待 故接物體之以有 累不可忘 今內無飢寒之
切 外無纏縛之累 洞遂虐漠 故不知四大之所在也 無與道合
道體虛無 我有故隔 今既能忘 所以玄合

其二法 孤影夷豁

皆與上同 但混合形神 諷經有異

二曰洞玄靈寶之齋 有九法 以有為為宗

某徒眾盛典儀 儒仰有節 進退有度 威威月齋 軌範洋洋
振揚法音 開化訪物 使求楫者聞 來見者見 恢廓弘偉 難可備
言

其一法 金錄齋 調和陰陽 救度國正

法於露地玄壇 廣三丈二尺 攔纂四而開四為用 合一門 又

洞玄靈寶五感文

清微藏書閣

於壇內立重壇 廣二丈四尺 開四角上 下為十門 各有榜題 於
壇中央安一長燈 長九尺 上安九燈火 圍壇四面安色燈 合三十
六燈 壇外欲燃千百 隨人也 書五方天文 以五案盛之 慈五方
金龍五枚 枚重一兩 以鎮天文之上方一香火 文用五色紋繒 隨
方疋數 都合三十六之道 士結眾行道 春則九日 夏則三日 秋
則七日 冬則五日 四季之月十二日 一曰六日 仕射十方事竟
焚天文 散龍繒 為功德也

其二法 黃籙齋 為同法 拔九祖罪根

法亦立壇 廣狹門戶與金籙同 但圍壇四面安力十燈 十門三
香火 十方紋繒之信 庶人一百三十六尺 諸侯丈數 天子疋數
金龍十枚 枚重一兩 金有上中下 為貴賤之差 行道禮謝二十方
日數如金籙 隨四時之制 事竟投龍於水 又埋於山 餘紋繒散
為功德也

其三法 明真齋 學士自拔億曾萬祖九幽之魂

法亦於露地然一長燈 上有九大 如金籙燈法 但不立壇門戶
之式耳 遠香燈行道一日一夜 六時禮謝十方

其四法 三元齋 學士一年三過 自謝涉學犯球之罪
法以正月七月 十月 皆用月半日 一日三時沐浴 三時行道
於齋堂中禮謝二十一方也

其五法 八節齋 學士一年八過 謝七玄及己身宿世今生之罪
法以八節日於齋堂內六時行道 禮謝十方也

其六法 自然齋 普濟之法 內以修身 外以救物 消災祈福
適意所宜

法亦結徒眾 亦可一身 禮謝十方 亦一日 三日 亦百日
千日 亦可三時 亦可六時

其七法 洞神三皇之齋 以精簡為上 單己為偶 絕塵期靈
沐浴玄雲之水 燒皇上之香 燃玄液之燭 服上元香丸

合眾名香 各有分數 蒸鍊為香珠青絲穿連 暴令乾 又以眾
香前油為香 又作香湯沐浴 又和作香丸服之 皆有節度 然三十

六油燈 又安三十六香鑪 以相開次 侍燈侍香 晝夜不輟 或百
日 四十日 注心密念 燭燈行香 咒願清真妙辭 凡三十二言
欲召神祇 盡皇文召之 所召所問 求仙求生 在意所欲

洞玄靈寶五感文

清微藏書閣

其八法 太一之齋 以恭肅為首 勵志施為 唯法不雜異學 跪拜揖讓 同法磬折
皆契同潔己

其九法 指教之齋 以清素為貴 祭酒籙生共應用 隨巨細無苦 時遭飢食 唯菜蔬 向王之菜
則不得噉 中食之後 水不過齒 思經念道 不替須臾

又曰 三元塗炭之齋 以苦節為功 上解億曾道祖無數劫來宗
親門族及己身家門無鞅數罪 拯拔憂苦 濟人危厄 其功至重 不
可稱量

法於露地立壇安欄格 齋人皆結同氣 賢者悉以黃土泥額 被
髮繫著欄格 反手自縛 口中銜璧 覆外於地 開兩腳 相去三尺

叩頭懺謝 晝三時向西 夜三時向北 齋有上中下三元相連 一
元十二日 合三十六日 下元限竟 進中元十二日 內加三過 方
謝 中元竟 進上元 十二日內 加五過 方謝 於謝者 向上下

中中四面四角中一方謝 增為苦劇 所以名三元者 元則數之始也
一年有十二月 三百六十日 十日為一旬 月有三旬 旬有上中

一年有十二月 三百六十日 十日為一旬 月有三旬 旬有上中

一年有十二月 三百六十日 十日為一旬 月有三旬 旬有上中

下 十二月合三十六旬 斯則十分之一 分為三元 一元十二日 一周也

洞玄靈寶五感文竟

天運辛卯年丑月正一天師清微弟子洪鼎堅羅大英恭錄彙編

洞玄靈寶五感文

清微藏書閣